



Broj: 01-34-396-3/26  
Mostar, 15.6.2026. godine

U skladu sa objavljenim Konkursom za upis redovnih učenika u prvi (I) razred srednje škole u školskoj 2026/2027. godini Ministarstva obrazovanja, nauke, kulture i sporta HNK, Srednja medicinska škola Mostar raspisuje:

## **K O N K U R S** **ZA UPIS REDOVNIH UČENIKA U PRVI (I) RAZRED U ŠKOLSKOJ 2026/2027. GODINI**

### **OPĆI USLOVI**

- Pravo prijave na konkurs za upis u prvi (I) razred srednje škole pod jednakim uslovima imaju:
    - kandidati koji su završili osnovnu školu, u dobi do 17 godina, a izuzetno do 18 godina, uz odobrenje Nastavničkog vijeća,
    - učenici sa posebnim potrebama, na osnovu odgovarajućeg rješenja i mišljenja imaju pravo upisa i s navršениh 20 godina života.
  - Prijem kandidata vrši se u skladu s Planom upisa, a na osnovu rang liste koju u cijelosti objavljuje Komisija za upis.
  - Komisiju za upis imenuje Školski odbor.
  - U svakom upisnom roku kandidat se može prijaviti za upis u jednu školu, a unutar škole kandidat se može prijaviti za upis u najviše 4 obrazovna programa. U prijavi na konkurs kandidat navodi po redoslijedu listu prioriteta.
  - Ukoliko za neki obrazovni program u školi, nakon prvog upisnog roka, nije bilo dovoljno prijava, kandidat se, u skladu sa listom prioriteta i ostvarenom broju bodova, upisuje u obrazovni program za koji postoji mogućnost formiranja razrednog odjeljenja u skladu sa stavom 4.
  - Kandidat prilaže na konkurs za upis sljedeću dokumentaciju:
    - prijavu na konkurs (obrazac dostupan u školi),
    - izvod iz matične knjige rođenih ili rodni list,
    - svjedodžbu o završenoj osnovnoj školi,
    - uvjerenje ili svjedodžbu o uspjehu u šestom (VI), sedmom (VII) i osmom (VIII) razredu,
    - druge relevantne dokumente.
- Svjedodžba i uvjerenja se prilažu u originalu, a ostali dokumenti mogu biti originali ili ovjerene kopije.
- Izrazi koji se koriste u ovom konkursu, a koji imaju rodno značenje, bez obzira na to jesu li korišteni u muškom ili ženskom obliku, obuhvataju na jednak način muški i ženski rod.

### **UPIS KANDIDATA KOJI DOLAZE IZ INOSTRANSTVA**

- Kandidati koji su jedan ili dva posljednja razreda osnovne škole završili u inostranstvu, konkurišu za upis u srednju školu na osnovu svjedodžbi za te razrede i rješenja o nostrifikaciji svjedodžbi.
- Rješenje o nostrifikaciji kandidat može dostaviti školi naknadno, a najkasnije do kraja septembra 2026. godine.

### **UPIS KANDIDATA STRANIH DRŽAVLJANA**

- Kandidati strani državljani mogu se upisati u srednju školu uz uslov da u školi postoje slobodna upisna mjesta.

**U prvi (I) razred Srednje medicinske škole Mostar u školskoj 2026/2027. godini, upisati će se 72 učenika raspoređena u odjeljenja za sljedeća zvanja:**

- Medicinska sestra-tehničar**
- Farmaceutski tehničar**
- Fizioterapeutski tehničar**
- Zubni tehničar**
- Stomatološka sestra-tehničar.**

### **ROKOVI**

Prijavljivanje, izbor kandidata i upis vrši se u tri upisna roka.

Opis postupka	Prvi upisni rok	Drugi upisni rok	Treći upisni rok
Prijava kandidata	22.6.2026. god.	29.6.2026. god.	25.8.2026. god.



Objava rezultata na školskoj oglasnoj tabli	23.6.2026. god.	30.6.2026. god.	26.8.2026. god.
Upis kandidata	24.6.2026. god.	30.6.2026. god.	26.8.2026. god.

### I UPISNI ROK

- Prijava sa dokumentima za upis primaju se u prostorijama Srednje medicinske škole Mostar od 8.00 do 12.00 sati u učionici broj 109.
- Objava rezultata (rang lista) na školskoj oglasnoj tabli je do 12.00 sati.
- Upis primljenih učenika u prvi razred je od 8.00 do 12.00 sati.

### II UPISNI ROK

- Prijava sa dokumentima za upis primaju se u prostorijama Srednje medicinske škole Mostar od 8.00 do 12.00 sati u učionici broj 109.
- Objava rezultata (rang lista) na školskoj oglasnoj tabli je do 12.00 sati.
- Upis primljenih učenika u prvi razred je od 8.00 do 12.00 sati.

### III UPISNI ROK

- Prijava sa dokumentima za upis primaju se u prostorijama Srednje medicinske škole Mostar od 8.00 do 12.00 sati u učionici broj 109.
- Objava rezultata (rang lista) na školskoj oglasnoj tabli je do 10.00 sati.
- Upis primljenih učenika u prvi razred je od 8.00 do 12.00 sati.

### KRITERIJI ZA IZBOR

- Izbior kandidata za upis obavlja se na osnovu uspjeha iz osnovne škole, dodatnih elemenata vrednovanja, te pokazanih sklonosti i sposobnosti kada to zahtijeva priroda programa.

### BODOVI DOBIVENI NA OSNOVU USPJEHA

- Bodovi na osnovu uspjeha dobivaju se kao zbir prosječne ocjene uspjeha u VI. i VII. razredu osnovne škole, općeg uspjeha i prosjeka ocjena relevantnih predmeta zaokruženo na dvije decimale u posljednja dva razreda osnovne škole.
- Na osnovu uspjeha moguće je steći najviše 25, a najmanje 10 bodova.

Primjer izračunavanja maksimalnog broja bodova

Razred	Kriterij	Broj maksimalnih bodova
VI-VII	Prosječna ocjena uspjeha	5,00
VIII	Opći uspjeh	5
	Prosječna ocjena relevantnih predmeta	5,00
IX	Opći uspjeh	5
	Prosječna ocjena relevantnih predmeta	5,00

- Ako učenik u osnovnoj školi nije imao neki od nastavnih predmeta relevantnih za utvrđivanje uspjeha ili broja bodova za upis u srednju školu, za taj se predmet uzima ocjena općeg uspjeha učenika.
- Učenik generacije upisuje se direktno, uz uslov da zadovolji na ispitu sposobnosti i nadarenosti u školama u kojima je to uslov upisa.
- Učenik generacije osnovne muzičke škole upisuje se direktno, pod uslovom da zadovoljava minimalni bodovni prag za upis.
- U tehničke i srodne četverogodišnje škole mogu se upisati učenici koji imaju najmanje 16,5 bodova.
- Ukoliko dva ili više učenika imaju jednak broj bodova, njihovo međusobno rangiranje obavlja se na osnovu viših prosječnih ocjena učenika iz predmeta koji su značajni za izbor kandidata.

### Relevantni predmeti značajni za izbor kandidata:

- Medicinska sestra-tehničar:** bosanski jezik, strani jezik, fizika, hemija i biologija,  
**Farmaceutski tehničar:** bosanski jezik, strani jezik, matematika, hemija i biologija,  
**Fizioterapeutski tehničar:** bosanski jezik, strani jezik, matematika, fizika i biologija,  
**Zubni tehničar:** bosanski jezik, strani jezik, likovna kultura, hemija i biologija.  
**Stomatološka sestra-tehničar:** bosanski jezik, strani jezik, likovna kultura, hemija i biologija.



### DODATNI ELEMENTI VREDNOVANJA

1. Dodatni element vrednovanja čine sposobnosti i nadarenosti učenika, a dokazuje se i vrednuje na osnovu:
- rezultata postignutih na takmičenjima u znanju iz relevantnih predmeta.

### VREDNOVANJE REZULTATA NA TAKMIČENJIMA IZ RELEVANTNIH PREDMETA

1. Vrednuje se i boduje rezultat kandidata postignut na kantonalnom takmičenju u znanju iz relevantnih predmeta za izbor, koja se provode u organizaciji Pedagoškog zavoda, odnosno na takmičenju na entitetskom, državnom ili međunarodnom nivou koje verifikuje Pedagoški zavod, a koje je kandidat postigao u posljednja četiri (4) razreda osnovnog obrazovanja. Ako je kandidat učestvovao na više takmičenja, ili na takmičenjima iz više područja relevantnih za program u koji se upisuje, vrednuje mu se isključivo jedno (najpovoljnije) postignuće.
2. Kriterij bodovanja su osvojeno prvo, drugo ili treće mjesto na kantonalnom, entitetskom, te međunarodnom ili državnom nivou.

Bodovanje takmičenja u znanju iz relevantnih predmeta

Takmičenja u znanju iz relevantnih predmeta	Kriteriji	Bodovi
Međunarodni ili državni nivo	Prvo osvojeno mjesto	4,5
	Drugo osvojeno mjesto	4
	Treće osvojeno mjesto	3,5
Entitetski nivo	Prvo osvojeno mjesto	3
	Drugo osvojeno mjesto	2,5
	Treće osvojeno mjesto	2
Kantonalni nivo	Prvo osvojeno mjesto	1,5
	Drugo osvojeno mjesto	1
	Treće osvojeno mjesto	0,5

### UPIS KANDIDATA S TEŠKOĆAMA U RAZVOJU

1. Kandidati s teškoćama u razvoju su kandidati koji su završili osnovnu školu na osnovu nalaza i mišljenja nadležnog stručnog tijela (komisije) za procjenu, praćenje i usmjeravanje, kojim su djetetu utvrđene funkcionalne sposobnosti, te preporučeni i ostvareni odgovarajući oblici odgoja i obrazovanja u osnovnoj školi.
2. Učenik s teškoćama u razvoju ostvaruje pravo na direktan upis na osnovu:
- važećeg nalaza i mišljenja izdanog na osnovu procjene nadležne stručne komisije za procjenu, praćenje i usmjeravanje, kojim se potvrđuje pravo na specifične oblike pomoći u obrazovanju;
  - stručnog mišljenja o profesionalnoj orijentaciji izdanog u saradnji sa Službom za zapošljavanje i nadležnom stručnom komisijom, kojim se utvrđuje srednjoškolski program primjeren funkcionalnim sposobnostima i individualnim potrebama učenika.

### UPIS KANDIDATA SA ZDRAVSTVENIM TEŠKOĆAMA

1. Učenik s invaliditetom ostvaruje pravo na postupak profesionalne orijentacije s ciljem izbora srednjoškolskog programa, odnosno zanimanja koje je primjereno njegovim funkcionalnim sposobnostima, individualnim potrebama i potencijalima. Postupak se provodi prije prvog upisnog roka, kroz koordinaciju Službe za zapošljavanje i mjerodavnog stručnog tijela (komisije) za procjenu, praćenje i upućivanje.
2. Na osnovu provedenog postupka, učenik s invaliditetom prijavljuje se na konkurs za upis u srednju školu u prvom upisnom roku u skladu s izdanim stručnim mišljenjem o profesionalnoj orijentaciji, koje obavezno prilažu uz upisnu dokumentaciju.

### ZDRAVSTVENE KONTRAINDIKACIJE

1. Za pojedine vrste škola i programa, odnosno zanimanja postoje zdravstvene kontraindikacije koje će srednje škole istaknuti na svojim oglasnim pločama uz obavijest učenicima i roditeljima da prije upisa u školu konsultuju ljekara, posebno ljekara medicine rada, o opravdanosti upisa u željeni program, odnosno zanimanje.
2. Ukoliko se učenik upisuje u program i pored znanja o postojanju zdravstvenih kontraindikacija ili ih nije utvrdio, rizik i odgovornost za mogućnost završetka školovanja i zapošljavanja preuzima učenik i roditelj.
3. Za upis u pojedine programe škola će, u skladu sa posebnim propisima, zatražiti od učenika, kao uslov za upis, i ljekarsku potvrdu o nepostojanju zdravstvenih kontraindikacija za željeno zanimanje.




**NAPOMENA:** Na osnovu člana 10. Zakona o zaštiti ličnih podataka prijava za upis maloljetnog kandidata (mladih od 16 godina) mora da sadrži vlastoručni potpis roditelja, odnosno staratelja, kojim potvrđuje tačnost dostavljenih podataka i daje suglasnost za obradu istih u svrhu provođenja postupka upisa i vođenja zakonom propisanih školskih evidencija.

Obavještenje o obradi ličnih podataka dostupna je na oglasnoj ploči i službenoj Internet stranici Srednje medicinske škole Mostar.

Dostaviti:

- oglasna ploča
- a/a.





Broj: 01-34-396-4/26  
Mostar, 15.6.2026. godine

**OBAVJEŠTENJE O OBRADI LIČNIH PODATAKA KANDIDATA ZA UPIS UČENIKA U PRVI  
RAZRED U ŠKOLSKOJ 2026/2027. GODINI**

U skladu sa Zakonom o zaštiti ličnih podataka Bosne i Hercegovine, Srednja medicinska škola Mostar obavještava kandidate za upis i njihove roditelje/staratelje o načinu prikupljanja i obrade ličnih podataka.

**1. KONTROLOR LIČNIH PODATAKA**

Srednja medicinska škola Mostar  
Adresa: USRC „Midhad Hujdur Hujka“ bb, Mostar  
Telefon: 036/576-851  
E-mail: skolamedicinska@yahoo.com

**2. SVRHA OBRADE LIČNIH PODATAKA**

Lični podaci kandidata prikupljaju se i obrađuju isključivo radi provođenja postupka upisa učenika, utvrđivanja ispunjenosti uslova za upis, formiranja i vođenja zakonom propisanih evidencija učenika, te ostvarivanja prava i obaveza iz oblasti srednjeg obrazovanja.

**3. PRAVNI OSNOV ZA OBRADU**

Obrada ličnih podataka vrši se na osnovu zakonskih obaveza škole i saglasnosti roditelja/staratelja malodobnog kandidata.

**4. PRAVA NOSILACA PODATAKA**

Pravo na pristup podacima, ispravku netačnih podataka, brisanje podataka kada postoje zakonski uslovi, ograničenje obrade i podnošenje prigovora nadležnom organu.

Dostaviti:  
- oglasna ploča  
- a/a.

